

مشتاقنامه

طبعه و محل اداره :

دهال اوغلنده امنیت
سندونی جوارنده
شنکول یقوشنده
۲۵ نومبر

سلک زمه موافق آثار
جدیده مع المنونیه
قبول اولنور

درج ایدله بن آثار اطاده اولنور

ریس ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شیوه اسلامیه بحث ایندرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریله برسه سنوی
۲۰ غروش فضله آلنور

۱۰ تموز ۳۲۴

سنه لکی	التی آیلانی	
۶۵	۳۵	عالمک عثمانیه ایچون
۶۵	۳۵	روسیه
۱۷	۹	سائر مالک اجنبیه
		غروش
		روبله
		فرانق

یدنجی جلد

۱۱ ربیع الاول ۱۳۳۰ پنجشنبه ۱۶ شباط ۱۳۲۷

عدد : ۱۸۲

شریعتی منفعت و کيفلرينه آلت ايدن واعظلر

مقصده کيرمزدن مقدم بومقاله يي يازمقلغمه سبب اولان بر وقعه يي ذکر ايتک و بوسورتله مرجع عائدینک نظر دقتی جلب ايتک ايستيورم .

شویله که : شباطک سکرنجی چهارشنبه کيجه سی یاتسو نمازی متعاقب صاری کوزل جامع شریفنده ، شریعتی مقاصد شخصیه سته آلت ايتک ايستينلردن برواعظ اهالی به نصیحت ايتک ایچون کرسی به چيقار! بوزواللی کرسی معلاي شریعتده هرشیدن اول کندیس هیج برفرقه یه منسوب اولیوب انحق بر ترجمان ، فقط برفرقه نک دکل ، بلکه شرع شریفک ترجمانی اولدیغی ، اوت هر نه سولرسه ، مترجم واسطه سیله شریعتک سولدیکنی جماعته اکلتمه یه چالیشور . یالکیز بونکده قالمور ، جماعتی کوزلجه اقناع ، و شریعت نامنه تفوه ایتدیکی هذیانلری قبول ایتدیرمک ایچون اوج دفعه ده یمین ایدیور . چونکه او آنده کندی قولنجه - شریعت مترجم ، واعظ مترجم ، سامعین کرامک وجدانیده حاکم اولدیغی ، حاکم ايسه مترجمدن یمین طلب ایدجکی جهته واعظ (واه ، بالله ، تالله ، هیج بر فرقه یه انتساب اولیوب آنحق شریعت ترجمانلق ایدجکم) دیمکه مجبوریت حس ایدیوردی . اوزمان بنی برأس قاپلادی ، تفکرات عمیقیه واردم . بن بوساحه تفکرده جولان ایدرکن روحدن کلن بر صدا بکا دیوردی که : ایواه ! بو مقدس کله یه بر طاقم افکار مفستکارانه نک ، صاف ، پاک ، هر درلو لوئیاتدن عاری اولان قلبلره یرلشمه سنه ، بتون طمرلره قدر نفوذ ایتمه سنه آلت ایدمک ايستيور ! آه ! نه اولایدی هر کس بومقدس کله ایله اوینامه یه چالشمه سله ! ملیونلرجه مسلمانک الک اشاغی طبقه سندن الک یوکسک طبقه سنه و ارنجه یه قدر بالجه مقدساتنک فوقنده بر موقع معلاي احترام طوتان بومقدس کله ایله ییک اوچیز بوقدر زماندنبری ملت اسلامیه نک سعادت و سلامتی تأمین اولندیگی کی ، بر جوق زمانلرده برطاقم خائلك اعمال ملعنتکارانه وهوسات شیطان پسندانه سنی ترویج و بوسورتله پک جوق معصوم قانلرینک هدر اولوب کیتمه سنه آلت اتخاذا ایدلشدور ، بوسره ده امویلر ، عباسیلر زمانلرنده شریعت نامنه ارتکاب ایدیلن فضاحی ، ده صوکرده ایکی سنه مقدمکی ۳۱ مارت وقعه فاجعه سنی خاطرلادم ایشه بونک ایچون بتون اعصاب حرکتک کش و متیظانه برطور ایله واعظ افندیکنک شریعت نامنه سولیه جکی کلاملره انتظار ایدیوردم . واعظ جماعته بوقدر تأمینات ویردکن صوکره (وان طائفان من المؤمنین اقتلوا فاصلحوا بینهم فان بغت اخدیهم علی الاخری فقاتلوا التي تبغی حتی تقی) الی امرالله فان فاءت فاصلحوا بینهم بالعدل واقسطوا ان الله یحب المقسطین » آیتنی اوقور ، وبالطبع مترجمک وظیفه سنی ایفایه باشلار ! فقط زواللی مترجم بودقیقه دن اعتباراً مقصدی اونوتیور . ویردیکی تأمیناتدن غفلت ایدیور . بناء علیه الیوم موجود اولان ایکی فرقه سیاسیهدن بریسی فرقه باغیه اولارق کوستریور وبالطبع مقتضای آیت اوفرقه ایله مقاتله ایتمه جماعت اسلامیه یی

ایچون وجه شیهک « احاطه » اولدیغی تصریح ایدلشدور . ایدلمه ییدی سوز معقد اولوردی .

مشبه بهک مشبهدن اکمل اولسی یعنی وجه شبه دیدیکمز صفتده مشبه فائق بولمنسی لازمدر . بعضاً مبالغه قصدیه تشبیهی عکس ایدرلرده مشبهی مشبه به ، مشبه یی مشبه یاپارلر . ایشه یوقاریکی تشبیه بوقیلدندر . زیرا اصل اولان کالی لیا له بکرتک ایدی .

شوراسی پک ایی خاطرده اولمیدرکه : مشبه مشبه بهک بوتون اوصافنه اشتراك ايتک لازم کلز . مثلاً بر آدم شجاعتندن طولانی ارسلانه بکزه دیلیورمکه یه او آدمک ارسلانده کی وحشت ، پیرتحلیق کی دیگر وصفلرده اشتراکی ایجاب ایتز .

برده انسان تشبیهده هر زمان سربست دکلدر . بر درجه یه قدر عاده منقاد اولمیدر . مثلاً بر عثمانی شاعری هیج بر وقت ممدوحنی صداقتی اعتباریه کوپکه ، بویوک بویوک مانع لری اقتحام ایتدیکندن طولانی طاغ کچیسنه بکزه ده مز ، مردم کریز بر آدمه آبی دییه مز . دها غریبی مترادف الفاظدن بری قوللایرده دیکری قوللانه ماز . « طوسون کیسک » دیجه قولتوقلری قباران بر آدمه « اوکوز کیسک » دیسکده باقک نه اولور ! حال بوکه طوسونده اوکوزده عینی مخلوقدر . علی بن جهم اسمنده برشاعر بدوی عباسیلردن المتوکک حضورینه چیقهرق بر شعر اوقومش . شاعر خلیفه یی حقوقی صیانت سجه سنده کوپکه ، عقبات سیاستی بیروا آشمق مهارتنده طاغ کچیسنه ، ایچاینده حلیم ، سلیم اولق خاصه سنده اشکه ، خلک کندیسندن انتفاعی خصوصنده بویوک صوقوغالینه بکرتمش ! المتوکک بدوی جوق تقدیر ایتمش . لکن یاننده کیلر بو شعر مدحیدر ، قدحیدر ، اکلامامش . خلیفه اونلره دیمش که : « بو آدم بدوی اولدیغی ایچون بر شی کورمه مشدر . اونک ایچون طبیعیدرکه تشبیهاتی ، خیالاتی هپ کندی محیطنه کوره اوله جقدر . اکر سزده عالم بداقی بیلسه دیکر تشبیهلرده کی اصابتی آکلار ، شرک بویوکلکنی تسلیم ایدر دیکر . »

حقیقت ، علی بن جهم بر سنه قدر خلیفه نک سراینده قالدقن صوکره اوله رقیق ، اوله نزه اثرلر میدان کتیرمش که بغداد شاعرلری زواللی بیچکه میهرک حبس ایتدیر مشلر .

تشبیهک کوزلکنه ، چیرکینکنه حکم ایدجک ملکه ذوق سلیمدر . بعضاً بر نکته کوزه دیله رک مادیات معنویاته ، معنویات مادیاته تشبیه ایدیلرکه اسلافدن ندیم بوکی ایجه لکلر اوزرنده جوق تصرف ایدر . جام لیله مست ایدوب اول اداالین ،

مستانه صوکره کوندریر آغوشنی جانه دک !

یتتی کی سوزلری ندیم دیواننده پک مبذول کورورز .

محمد عاکف

ضمناً تشویق ایدیور، شوخالده « شریعت » ك « والفتنه اشد من القتل » ديه منع ايتش اولديني فتنه عظيمه بي - ۳۱ مارت دن مقدم ياديغي كي - ينه كنديسي نشر ایدیوردی . دها صوكره واعظ بر چوق چاملر دوریور ، باردافلر قیریور . ملكتده اون بش فرقه دها اولسه نافع اوله جغنی « اختلاف امتی رحمة واسعة » حدیث شریفی ایله استدلاله قدر واریور . بونك اوزرینه كنديسنه اعتراض ایدیلهرك حدیثك منای حقیقیسی - اشاعیده ایضاح ایدیلهرك وجهله - كنديسنه اخطار ایدیلهركه مهوت قاهره جواب ویرمه قالقار ! فقط نه جواب ویرسه بكنیرسكز ؟ بو شریعت (!) مترجمنك اوكرسی معلاي شریعتده برطور بی ادبانه ایله اوتانمدهن اغزینه سب و شتمی مشعر اولهركه آلدی كه بتون جماعت نظرنده بركلخن بكي اولديغنی اثبات ایتدی .

ایشته بووقعه دركه شو مقاله نی یازمقلغه سبب اولمشدر، واعظ معهود اوراده كرك جماعتدن و كرك بزدن جواب لایقنی آلدی . شمیدیه او کیجه ایسته مش اولدینی كتابك (!) جوابی السونده بر دها شریعت مقدسه نی مقاصد شخصیه سنه آلت ایتكی اوكرسون ! آنحق بزم ديه جكمز برشی وارسه اوده مشیخت بو كبی شیلری نظر دفته آلسون ! بو كبی اشخاصه وظیفه سنی بیلدیرسون . شریعت بشتمه، فرقه غوغاسی ینه بشقه برشی اولدینی آكلاسون ! شریعت هر شیدن مقدسدر . بز مسلمانلر شریعت نامنه هر نه طویسه ق قبول ایتكی قالقارز . بناءً علیه اونكه اوینامق قطعاً طوغری دكلدر . بالآخره تولد ایدهركی مضرت عظیمدر . .

اتحاد حیات، تفرقه ایسه مماندر

قدرة فاطره دین مبین اسلامی ادیان سماویه نك نهایی اولمق اوزره كوندرمشدر . اوت ، حضرت محمد (صلم .) خاتم النبیین اولدینی ایچون بالطبع آنك دینی قیامته قدر باقی اوله جقدر . چونكه قیامته قدر ملیونلرجه سنه كچه ینه دین اسلام او زمانلرده كله جك اولان انسانلرك صالحی تسویه یه، احتیاجات ضروریة ملیه لرینی تأمینیه كایدیر . وضع ایتش اولدینی قواعد اساسیه آنلرك سعادت و سلامتی تأمین ایدر . ایشه بونك ایچون بو دینك قیامته قدر بقاسنی جناب حق اراده بیورمشدر .

بر دینك بقاسی ایسه او دینه منسوب بالجمله اقوامك متحد الافكار اوله رق بر مقتضای امر الهی، احكام دینییه تمسك ، و بوجهتله دینك ترقی و تعالیسنه چالشق، قیامته قدر محافظه سی اسبابنه توسل ایتكی اولور . ایشه بونك ایچون انسانلرك دائماً متحد، متفق بر حالده عادتا بر بنای متین كبی بولمهلری، و هیچ بر وقت اتحاد و اتفاقلری زیر وزیر ایدهرك نفاق و شقاق، بغض و عداوت كبی حرکات غیر مشروعده بولمهبوب بر لرینه ظهیر اولارق دینی محافظه یه چالشملریده اوامر الهیه جهل سندن بولمش، و حالبوكه هر بر یسك عادات ولسانی بشقه اولان بر چوق اقوامدن تركب ایدن ارباب دینك هم فكر اوله رق اتحاد ایتهلرینی داعی

ضروری برشی اولمقدجه قولایچه حق برلشه میه جكلی، و بوضورتله دائماً آری آری امللر تعقیب ایدهرك هر كس حق، باطل كندی افكار مخصوصه سنی ترویج ایچون لازمكلان اسبابه توسل ایدهركی، بو ایسه انسانلر بیننده نزاعی، غوغای مؤدی اوله رق نتیجه ده روابط دینییه ضعف طاری اولوب بتون مسلمانلرك محوینه سبب اوله جغنی و ارسته ایضاحدر . ایشه بونكچوندركه جناب حق بوقدر مختلف اقوامك كتنه واحده حالنده دائماً بر قردهش كبی اولمهلرینك لزومنه دائر يك چوق ضروری سبیلر كوستریور : بالعموم انسانلرك بر اصلدن تشعب ایتكلینی « یا ایها الناس انا خلقناكم من ذکروانی... » آیت کریمه سیله خبر ویریور . « اما المؤمنون اخوة . . » - مؤمنلر آنحق قردهشدر - نص جلیلی ایله مسلمانلرك آنحق بر قردهش اولدینی، بناءً علیه بكدیكرینه قارشی آله جقلری وضعیتی ایضاح ایدیور .

« المؤمن للمؤمن كالبنيان يشد بعضه بعضا » حدیث شریفده مؤمنلرك بر بنای مرصوص كبی اولوب یشامق ایچون مطلقا بر برینه مربوط بولمهلری لازم كلدیكنی تصریح ایدیور . بر بنانك بقاسی آنی تشكیل ایدن کریسچلرك دائماً بر برینه ظهیر اولمهیله در . اكر آردن بر قاچ دانه سی چیقاجق اولورسه بنا محو اولور . ملتدرده بویله در . خلاصه بر ملتك یشامسی، دنیوی، اخروی نائل سعادت اولسی ایچون اتحاد و اتفاقی محافظه ایتسی لازمدر . بونك خلافه حرکت ایدن ملتدر دائماً وادی انقراضه یورومشدر و بوندن صكرمه اوله جقدر . بورقانون آهیدركه اصلا شبه قبول ایتمز . بونده شبه ایتك وحدانیت آهیدره تردد ایتك دیمكدر . « سنة الله التي قد خلت من قبل ولن تجد لسنة الله تبديلا » اتحاد و اتفاق فوادی، نفاق و اختلافك مضرتی حقدیه كی اوامر شرعیه و امثال تاریخیه نی تعداد ایدهرك اولورسه ق جلدلر طویلسی كتاب یازمق لازمكه جکی جهتله بزوراده بر قاچ دانه سی ذكر ایله اكنا ایتك ایستیورز :

« واعتصموا بحبل الله جميعا ولا تفرقوا واذكروا نعمة الله عليكم اذ كنتم اعداء . . »

« ولا تكونوا كالذين تفرقوا واختلفوا من بعد ما جاءهم البينات واولئك لهم عذاب الیم . »

« اطيعوا الله ورسوله ولا تنازعوا فتفشلوا وتذهب ريحكم . . . »

« ان الذين فرقوا دينهم وكانوا شيعا لست منهم في شيء . »

« من الذين فرقوا دينهم وكانوا شيعا كل حزب بما لديهم فرحون . . »

« منيين اليه واتقوه وقيموا الصلاة ولا تكونوا من المشركين . »

« قل هو القادر على أن يبعث عليكم عذابا من فوقكم او من تحت ارجلكم او يلبسكم شيعاً ويذيق بعضكم بأس بعض انظر كيف تصرف الآيات لعلمهم يفقهون . »

« شرع لكم من الدين ما وصى به نوحا والذي اوحينا اليك وما وصينا به ابراهيم وموسى وعيسى ان اقيموا الدين ولا تفرقوا فيه »

حديث : « لاتحاسدوا ولا تباعدوا ولا تباذروا . . »

« المؤمن للمؤمن كالبنيان يشد بعضه بعضا » الجماعة رحمة والتفرقة